



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Septem Illustrium Virorum Poemata**

**Amstelodami, 1672**

Ad Amicos Germanos in Italiam Bonnâ proficiscens, An. M. DC. LII. ineunte  
Aprili.

**urn:nbn:de:hbz:466:1-11215**

Tunc uva certat plurima purpuræ,  
 Pomisque vinctus tempora mitibus  
 Autumnus, ad plenum beatas  
 Fundit opes avidis colonis.

A D

## AMICOS GERMANOS

*in Italiam Bonnâ proficiscens, An. M. DC. LII.  
 incunte Aprili.*

**I**Mus in Ausoniam: pressis jam pugnat habenis,  
 Iterque læto poscit hinnitu fremens  
 Cyllarus, impatiensque moræ pede spargit arenam,  
 Prætervolare gestit & cursu Notos.  
 Imus, & assueti Dirçæo sidera cygno,  
 Phœbique sacrum Pegafo vecti nemus  
 Visere, jam mediis insertas nubibus Alpes,  
 Quà fabulosam stravit Alcides viam,  
 Aut, quâ Pœnorum ductor juga rupit aceto,  
 Flammisque cautes torridas ferro scidit,  
 Scandemus celeres; nec post discrimina terræ,  
 Tumultuosos Adriæ fluctus maris  
 Securi Venetâ metuemus frangere cymbâ,  
 Delphine Arion si natat tutus suo.  
 Nunc igitur dilecta domus, Fratresque, Sororesque,  
 Et vos, Nepotes, dulcis ætatis rosa,  
 Fürstenbergiæ memores virtutis Iûli,  
 Valete, nostri generis optatum jubar.  
 Vivite cælestes animæ, meliore metallo  
 Certam trahentes sæculi primi notam,

Quis

Quas amor, & Musæ doctâ cum Pallade nobis  
 Constante semper alligaverunt fide.  
<sup>1</sup> Velde vale, primùm quò nostra Thalia magistrò  
 Libare fontes ausa Castalios fuit,  
 Historiæ Vatumque decus, Suadæque Latinæ;  
 Et qui, Camœnis pariter ac carus mihi,  
 Me juvenem teneris curâ complexus ab annis,  
<sup>2</sup> Höninge fidâ, doctus ut Chiron, manu  
 Duxisti, Patruï quò per vestigia Virtus  
 Domûs avitæ gloriam sequi jubet.  
 Te quoque <sup>3</sup> Veckeni, præclarum Scaldis alumnum,  
 Nostroque lumen mutuum Rheno datum  
 Doctrinæ, Sophiæque, facer quam tradit Aquinas:  
 Et te <sup>4</sup> Maseni, magna Pindi gloria,  
 Amplector; dextramque tuam <sup>5</sup> Crumbache, tuamque  
 Longum, <sup>6</sup> Geleni, stringo dicturus vale.  
 Sed <sup>7</sup> Mallincrodios, & te suavissime <sup>8</sup> Torcki,  
 Et utrâque Phœbi laude <sup>9</sup> Rottendorffios  
 Præstantes, ævi clarissima lumina nostri,  
 Amor salutis noster absentes colit  
 Eminus obsequio. Nec te, <sup>10</sup> Bollandæ, disertum  
 Antiquitatis sanctioris Livium  
 Præterit, aut numerose tuas, <sup>11</sup> Baldæ, Camœnas,  
 Vatemque veris floridum <sup>12</sup> Bisselium.  
 Omnibus impertit, quæ basia debet, amicis  
 Gaudere jussis & valere longiùs.

Sed

<sup>1</sup> Joannes Velde S. J. <sup>2</sup> Fridericus Höning Ordinis Præmonstratensis  
 Canonicus. <sup>3</sup> Franciscus van der Vecken S. J. <sup>4</sup> Jacobus Masen S. J.  
<sup>5</sup> Hermannus Crumbach S. J. <sup>6</sup> Ægidius Gelenius. <sup>7</sup> Bernardus Mal-  
 lincrodios Decanus Monasteriensis. <sup>8</sup> Joannes Rotgerus Torckius Cano-  
 nicus Monaster. <sup>9</sup> Bernardus Rottendorffius archiater Monasteriensis.  
<sup>10</sup> Joannes Bollandus S. J. <sup>11</sup> Jacobus Balde S. J. <sup>12</sup> Joannes Bisse-  
 lius S. J.

Sed me tam caros linquentem Roma fodales  
 Communis Orbis universi Civitas  
 Allicit, & Latiae rapiunt miracula terrae;  
 Seu quæ vetusta, seu recens ætas tulit.  
 Jam Paderæ Tybrim, jam septem præfero colles  
 Angariorum montium cacumini.  
 Jam mea <sup>13</sup> Bilstenias fugio cunabula rupes,  
 Et, qui propinquo mons Caballinus jugo  
 Surgit, & accipitres pernibus educat alis  
 Certare doctos ardeis Britannicis.  
 Præcipuè commendat iter mihi gratia præfens,  
 Et purpurati CHISII recens honos;  
 Qui movisse potens vel avitas carmine quercus  
 Facundus Orpheus Nos in Aufoniam trahit.

A D

ALEXANDRUM  
 POLLINUM.

*Ut poemata sua edat.*

**I**ngens Aufoniae lumen, & Atticæ  
 Suadae flos, & amor Palladis, & decus  
 Nostræ dulce Camœnæ,  
 Nec non candidus arbiter:  
 Quid, POLLINE, latens jam nimum diu,  
 Cedro digna negas edere carmina,  
 Et durus pater abdis  
 Fetus divitis ingenI?

<sup>13</sup> Bilstenia arx Angariæ munitissima, dynastiae cognominis, in altissima rupe sita, in qua auctor horum Poëmatum an. 1626. 21. Octob. natus fuit, propinquum habet montem Caballinum, vulgò Rossenberg nuncupatum.

Non,